

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2991 del 15/12/2020

Traduzione in ladino

Coronavirus: dal 1m de dezember sarà en दौरa l numer vert 800-867 388

I provedimenc en दौरa, i spostamenc, la scola e bensegur la prozedures per i tampons, i isolamenc e la carantenesc.

Responarà a 360 degrees i operadores del numer vert 800-867 388 metù a jir endò dal 1m de dezember aldò de la sacotanta domanes de informazion che l'è dò a ruèr ence te chest moment de emergenza. L numer vert debant – gestì da la Protezion zivila tras la Zentrèla unica de emergenza desche tel prum moment de la pandemìa – respon a la domanes di sentadins da les ot da doman enschin les sie da sera dal lunesc al vender e da les ot da doman enschin la does domesdì de sabeda. Se cognessa entravegnir sintomes che ge somea a chi del Covid – 19 vegn conseà semper de fèr referiment a sie dottor o dottor per i bec de familia, enzeze l 112 (un-un-doi) l cogn vegnir chiamà demò tel cajo de na emergenza reèla e no per domanes de informazion generiches.

L numer vert 800-867 388 l'è stat metù a jir la pruma outa de firé per responder a la sacotanta domanes de informazion di sentadins e l'è stat lascià sù de messèl, canche i contagés i era n muie smendré e la domanes di utenc no les era più tropes.

Per l scomenz endò de la scoles, per la domanes di trasporc personalisé (Elastibus) e ence per la gestion de chi che vegn de retorn te sie raion e per chi che che vegn da la foresta l'è stat metù a jir enzeze l numer vert 800-390 270. Te la ùltima setemènes chest numer l'ha responet ence en cont de la costions che revèrda la domanes di tampons e la prozedures de isolament e carantena. Ades a duta la domanes responarà l numer 800-867 388.

Recordà che sul sit de l'Azienda provinzièla per i servijes sanitàres l'è a al leta na seziun semper agiornèda co la domanes en cont de contagés, tampons, isolamenc e carantenesc (<https://www.apss.tn.it/faq-coronavirus>), enzeze sul portal de l'ofize stampa de la Provinzia autonoma de Trent l'è na seziun dedichèda a l'emergenza coronavirus con duc i provedimenc naziunèl e provinzièl, la desposizioni prinsipèles e i protoçoi (<https://www.ufficiostampa.provincia.tn.it/CORONAVIRUS-Aggiornamenti-e-comunicazioni>).

Traduzion di Servijes Linguistics e Culturèl del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)